

dictio. Unigénitus Dei Fílius nos benedícere & adjuvâre dignêtur.
R. Amen.

Lectio ij.

ET nunc ecce ego scio, quia amplius non vidébitis faciém meam vos omnes, per quos transívi prædicans regnum Dei. Quapropter contéstor vos hodiérna die, quia mundus sum à sáanguine ómnium. Non enim subterfúgi, quò minus annuntiârem omne consílium Dei vobis. Atténdite vobis, & univérso gregi, in quo vos Spíritus sanctus pósuit Episcopos, régere Ecclésiám Dei, quam acquisívit sáanguine suo. Ego scio quóniam intrábunt post discessiònem meam lupi rapáces in vos, non parcéntes gregi. Et ex vobis ipsis exúrgent viri loquéntes perversa, ut abducant discipulos post se. Propter quod vigilâte, memória retinéntes, quóniam per triénnium nocte & die non cessávi, cum lá-

cry-

crymis monens unumquémque vestrúm. Tu autem Dómine miserêre nobis. *R.* Deo grátias.

R. Justus germinâbit sicut lílium:
 * Et florêbit in ætérnum ante Dóminum. *Ps.* Plantátus in domo Dómini, in átriis domus Dei nostri. Et florêbit in ætérnum ante Dóminum.

Ps. Jube domne benedícere. *Benedictio.* Spíritus sancti grátia illúminet sensus & corda nostra.

R. Amen.

Lectio iij.

ET nunc comméndo vos Deo, & verbo grátiae ipsíus, qui potens est ædificâre, & dare hæreditâtem in sanctificátis ómnibus. Argéntum & aurum, aut vestem nullíus concupívi, sicut ipsi scitis: quóniam ad ea quæ mihi opus erant, & his qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac me-

N mi-

minisse verbi Dómini Jesu , quóniam ipse dixit : Beátius est magis dare , quàm accipere . Et cum hæc dixisset , pósitis génibus suis orávit cum ómnibus illis . Magnus autem fletus factus est ómnium : & procumbéntes super collum Pauli , osculabántur eum , doléntes máximè in verbo quod dixerat , quóniam ámplius faciém ejus non essent visúri . Et deducébant eum ad navem . Tu autem Dómine miserère nobis .

R. Deo grátias .

R. Iste cognôvit justítiam & vidit mirabilia magna , & exorávit Altísimum : * Et invéntus est in número sanctórum . *V.* Iste est qui contémpsit vitam mundi , & pervénit ad cœléstia regna . Et invéntus est in número sanctórum . *G*loria Patri , & Filio , & Spiritui sancto . Et invéntus est in número sanctórum .

In

In secundo Nocturno.

Lectio iv.

Thomas , Londíni in Anglia natus , Theobáldo successit Cantuariénsi Episcopo : & qui ántea in administrádo Cancellariæ múnere præclárè se gesserat , in Episcopáli officio fortis & invictus fuit . Cùm enim Henrícus Secúndus Angliæ rex , convocátis ad se Episcopis & procéribus regni , leges ferret utilitati ac dignitati Ecclesiasticæ repugnántes , ádeo constánter óbstitit régiæ cupiditati , ut neque pollicitationibus , neque terroribus , de senténtia decédens , próximè conjiciéndus in cárcerem clam recésserit . Inde propínqui ejus omnis ætátis ejécti , amici , fautores omnes , iis , quibus per ætatem licébat , jurejurádo adstrictis , univérsos Thomam aditúros , si fortásse miserábili suórum calamitátis aspéctu moverétur , qui à sancto propósito privátis incómodis deterréri mínimè po-

N. 2

tuis-

tuisset. Non respexit carnem aut sanguinem, neque ullus in eo humanitatis sensus pastorâlis officii constantiam labefactavit. Tu autem Dómine miserere nobis. *R.* Deo grâcias.

R. Honéstum fecit illum Dóminus, & custodivit eum ab inimicis, & à seductóribus tutavit illum: * Et dedit illi claritatem ætérnam.

V. Descenditque cum illo in fóveam: & in vinculis non dereliquit eum. Et dedit illi claritatem ætérnam.

V. Jube domne benedícere. *Benedictio.* Christus perpétuæ det nobis gáudia vitæ. *R.* Amen.

Lectio v.

Contulit ígitur se ad Alexándrum Tértium Pontíficem, à quo benignè acceptus est: & inde profectus, mónachis Pontiniacénsis monastérii Cisterciénsis Ordinis ab eòdem commendatus. Quod ut cognóvit Henricus, missis ad convén-

véntum Fratrum Cisterciénsium minácibus litteris, Thomam è Pontiniaco monastério exturbâre conâtur. Quare vir sanctus véritus ne sua causa mali áliquid Cisterciénsis familia pateretur, sponte discéssit, & Ludovicum Gallíæ regem, ejus invitatu convénit: ubi tamdiu fuit, quoad Pontífice Máximo, & ipso rege agéntibus, ab exilio summa totius regni gratulatióne revocâtur. Qui dum boni pastóris officium secûrus exéquitur, ecce calumniátóres ad regem déferunt, eum multa contra regnum & públicam quiétem moliri: ut proptérea sæpius conquereretur rex, se in suo regno cum uno sacerdoté pacem habere non posse. Tu autem Dómine miserere nobis. *R.* Deo grâcias.

R. Desidérium animæ ejus tribuisti ei Dómine, * Et voluntâte labiórum ejus non fraudasti eum. *V.* Quóniam prævenisti eum in benedictiónibus dulcedinis: posuisti in cápite

ejus corônâ de lapide pretioso. Et voluntate labiôrum ejus non fraudasti eum.

Ps. Jube domne benedicere. *Benedictio* Ignem sui amôris accendat Deus in cordibus nostris. *R.* Amen.

Lectio 7j.

EX qua regis voce nefarii satellites sperantes gratum se regi facturos, si Thomam è medio tollerent, clam convenientes Cantuariam, Episcopum in templo Vespertinis Horis operam dantem aggreduuntur. Qui clericis templi aditus præcludere conantibus accurrens, ostium aperuit, illis usus verbis ad suos: Non est Dei Ecclesia custodienda more castrorum: & ego pro Ecclesia Dei libenter mortem subibo. Tum ad milites: Vos Dei jussu cavete, ne cupiam meorum noceatis. Deinde flexis genibus, Deo, beatæ Mariæ, sancto Dionysio, & reliquis sanctis, ejus Ecclesiæ patronis, Ecclesiam & seipsum com-

commendans, sacrum caput eadem constantia, qua iniquissimi Regis legibus restiterat, impio ferro præcidendum obtulit, quarto Kalendas Januarii, anno Domini millesimo centesimo septuagesimo primo: cujus cerebro respersum est totius templi pavimentum. Quem multis postea illustrem miraculis idem Alexander Pontifex retulit in Sanctorum numerum. Tu autem Domine miserere nobis. *R.* Deo gratias.

R. Stola jucunditatis induit eum Dominus: * Et corônâ pulchritudinis posuit super caput ejus. *Ps.* Cibavit illum Dominus panem vitæ & intellectus: & aqua sapientiae salutaris potavit illum. Et corônâ pulchritudinis posuit super caput ejus. *Gloria* Patri, & Filio, & Spiritui sancto. Et corônâ pulchritudinis posuit super caput ejus.

Lectio sancti Evangelii secundum
Joannem.

Lectio vij. Cap. 10. b

IN illo tempore: Dixit Jesus
Pharisæis: Ego sum pastor
bonus. Bonus pastor animam suam
dat pro ovibus suis. Et reliqua.

Homilia sancti Joannis

Chrysostomi.

Homilia 59. in Joannem.

Magnum quiddam, dilectissi-
mi, magnum, inquam, est
Ecclesiæ prælatio, & quæ multa
indiget sapientia & fortitudine, qua-
lem Christus proposuit: ut animam
pro ovibus ponamus, & numquam
illas deseramus, ut lupo generosè
resistamus. Hæc enim inter pasto-
rem & mercenarium est differentia.
Alter propriæ, contemptis ovibus:
alter, sua contempta, ovium sem-
per salutî invigilat. Pastoris ergo
exemplo demonstrato, deceptores
duos meminit: furem mactantem
&

& rapientem oves; & mercenarium
permittentem, neque defendentem
commissas. Tu autem Domine mi-
serere nobis. *R.* Deo gratias.

R. Corona aurea super caput ejus,
* Expressa signo sanctitatis, gloria
honoris, & opus fortitudinis. *V.* Quo-
niam prævenisti eum in benedictio-
nibus dulcedinis, posuisti in capite
ejus coronam de lapide pretioso.
Expressa signo sanctitatis, gloria
honoris, & opus fortitudinis.

y. Jube domne benedicere. *Bene-
dictio.* Cujus festum colimus, ipse
intercedat pro nobis ad Dominum.
R. Amen.

Lectio viij.

Quod superiori tempore Ezé-
chiel his verbis insectatus
est: Væ pastoribus Israël: nonne
pascébant semetipsos? nonne gre-
ges pascuntur à pastoribus? Sed illi
contrarium faciébant, quod máxi-
mæ malitiæ genus est, & plurimò-
rum causa malòrum. Idcirco inquit:

Neque quod abjectum erat, reducēbant: neque quod perierat, quærēbant: neque confractum alligābant, neque infirmum consolidābant: quoniam se, non gregem pascebant. Idem & Paulus aliis verbis significat: Omnes quæ sua sunt, quærunt, non quæ Jesu Christi. Tu autem Dómine miserere nobis.

R. Deo grátias.

R. Hic est verè martyr, qui pro Christi nómine ságuinem suum fudit: * Qui minas júdicum non tímuit, nec terrénæ dignitátis glóriam quæsívit, sed ad cœléstia regna pervēnit. *V.* Justum dedúxit Dóminus per vias rectas, & osténdit illi regnum Dei. Qui minas júdicum non tímuit, nec terrénæ dignitátis glóriam quæsívit, sed ad cœléstia regna pervēnit. *G* lória Patri, & Filio, & Spirítui sancto. Qui minas júdicum non tímuit, nec terrénæ dignitátis glóriam quæsívit, sed ad cœléstia regna pervēnit.

Lec-

Lectio ix.

Verum ab utrôque se dissidère osténdit Christus: ab illis quidem, qui in aliôrum perníciam veniunt, cum dicat, se propterea venisse, ut vitam haberent, & abundantius haberent: ab his autem, qui oves à lupis rapi negligēbant, dicendo se propter eas animam pónere, ne oves perirent. Nam cum Judæi ipsum interímere vellent, non propterea destitit á doctrína, neque credentes tradidit, sed perstitit, & pertulit mortem: ideò frequenter inquit: Ego sum pastor bonus. Quæ cum nullo niti testimonio viderentur (quòd enim póneret ánimam suam, non multò post re monstrátum est: quòd autem vitam haberent, & abundantius haberent, eventûrum erat in futúro século) álium ab áliero confirmat. Tu autem Dómine miserere nobis. *R.* Deo grátias.

*T*e Deum laudámus. 65.

N 6

AD

300 In festo S. Thomæ
AD LAUDES.

Versus.

DEus in adiutorium meum
intende. *R.* Domine ad ad-
juvandum me festina. *Gloria* Pa-
tri, & Filio. *Sicut erat.* Alleluia.

Añã. Qui me confessus fuerit coram
hominibus, confitebor & ego eum
coram Patre meo.

Psalm. Dominus regnavit. *cum*
reliquis. 69. *Añã.* Qui sequitur me,
non ambulat in tenebris, sed habebit
lumen vitæ, dicit Dominus.

Añã. Qui mihi ministrat, me se-
quatur: & ubi ego sum, illic sit &
minister meus.

Añã. Si quis mihi ministraverit, ho-
nificabit eum Pater meus, qui
est in cælis, dicit Dominus.

Añã. Volo Pater, ut ubi ego sum,
illic sit & minister meus.

Capitulum. *Jacobi 1. b*

Beatissimus vir, qui suffert tenta-
tionem: quoniam cum proba-
tus fuerit, accipiet coronam vitæ,
quam

Episcopi & Martyr. 301
quam repromisit Deus diligentibus
se. *R.* Deo gratias.

Hymnus.

Invicte martyr, unicum
Patris secutus Filium,
Victis triumphas hostibus,
Victor fruens celestibus.

Tui precatus munere
Nostrum reatum dilue;
Arcens mali contagium,
Vitæ repellens tadium.

Soluta sunt jam vincula
Tui sacrati corporis:
Nos solve vinculis sæculi
Dono superni Numinis.

Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

V. Justus ut palma florebit. *R.* Sicut
cedrus Libani multiplicabitur.

Ad Benedictus, Antiphona.

Qui odit animam suam in hoc
mundo, in vitam æternam custodit
eam.

O. rê-

O rēmus. Oratio.

DEus, pro cuius Ecclesia gloriōsus Pōntifex Thomas gladiis impiōrum occūbit: præsta quæsumus; ut omnes, qui ejus implōrant auxiliū, petitiōnis suæ salutārem consequantur effectum. Per Dōminum. R. Amen.

Et fiunt commemorationes de Octavis.

De Nativitate, Antiphona.

Glōria in excelsis Deo, & in terra pax hominibus bonæ voluntatis, allelūia, allelūia.

ψ. Notum fecit Dōminus, allelūia.

℞. Salutāre suum, allelūia.

O rēmus. Oratio.

Concēde quæsumus omnipotens Deus: ut nos Unigēniti tui nova per carnem nativitas liberet, quos sub peccati jugo vetūsta sērvitus tenet.

Pro S. Stephano, Antiphona.

Stēphanus autem plenus grātia & fortitudīne, faciēbat signa magna
in

in pōpulo. ψ. Sepeliērunt Stēphanum viri timorati. R. Et fecērunt planctum magnum super eum.

O rēmus. Oratio.

DA nobis, quæsumus Dōmine, imitari quod colimus, ut discāmus & inimicos diligere: quia ejus natalitia celebrāmus, qui novit etiā pro persecutōribus exorāre Dōminum nostrum.

Pro S. Joanne, Antiphona.

Iste est Joānes, qui supra pectus Dōmini in coena recūbit: beātus Apōstolus, cui revelāta sunt secrēta cœlestia.

ψ. Hic est discipulus ille, qui testimoniū pērhībet de his. R. Et scimus quia verum est testimoniū ejus.

O rēmus. Oratio.

Ecclēsiā tuam, Dōmine, benignus illūstra: ut beāti Joānis Apōstoli tui & Evangelistæ illumināta doctrinis, ad dona pervēniat sempiterna.

Pro

Pro SS. Innocentibus, Antiphona.

Hi sunt, qui cum mulieribus non sunt coinquinati: Virgines enim sunt, & sequuntur Agnum quocumque ierit.

¶ Herodes iratus occidit multos pueros. R. In Bethlehém Judæ civitate David.

Orémus.

Oratio.

DEus, cujus hodierna die præconium Innocentes martyres non loquendo, sed moriendo confessi sunt: omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per Dominum nostrum Jesum Christum Filium tuum: qui tecum vivit & regnat in unitate Spiritus sancti Deus. R. Amen.

¶ Dominus vobiscum. R. Et cum spiritu tuo. ¶ Benedicamus Domino. R. Deo gratias. ¶ Fidelium animæ per misericordiam Dei requiescant in pace. R. Amen.

AD

AD PRIMAM.

Pater noster. Ave Mariã. Credo.

Post y. Deus in adiutorium. Gloria Patri, & Hymn. Jam lucis orto sidere. 84.

Añã. Qui me confessus. Psalmi. Deus in nomine tuo. Beati immaculati. & Retribue. 85. Añã. Qui me confessus fuerit coram hominibus, confitebor & ego eum coram Patre meo.

Capitulum. Regi seculorum. cum reliquis, ut supra in festo Nativitatis Domini. 90.

Pro Lectione brevi dicitur Capitulum Nonz.

AD TERTIAM.

Pater noster. Ave Mariã.

Post y. Deus in adiutorium. Gloria Patri. & Hymn. Nunc sancte nobis Spiritus. ut supra. 94.

Añã. Qui sequitur me. Psalmi. Legem pone. Memor esto. Bonitatem fecisti. ibidem folio 95.

Añã. Qui sequitur me, non ambu-

bulat in tenebris, sed habebit lumen vitæ, dicit Dominus.

Capitulum. Jacobi 1. b

BEatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se.

R. br. Glória & honore, * Coronasti eum Domine. Glória & honore coronasti eum Domine. *ψ.* Et constituisti eum super opera manuum tuarum. Coronasti eum Domine. Glória Patri, & Filio & Spiritui sancto. Glória & honore coronasti eum Domine. *ψ.* Posuisti Domine super caput ejus. *R.* Coronam de lapide pretioso.

ψ. Dominus vobiscum. *R.* Et cum spiritu tuo.

O rēmus.

Oratio.

DEus, pro cujus Ecclesia gloriosus Pontifex Thomas gladiis impiorum occubuit: præstamus; ut omnes, qui ejus im-

pló-

plorant auxilium, petitionis suæ salutarem consequantur effectum. Per Dominum nostrum Jesum Christum. *R.* Amen.

ψ. Dominus vobiscum. *R.* Et cum spiritu tuo. *ψ.* Benedicamus Domino. *R.* Deo grátias. *ψ.* Fidelium animæ per misericordiam Dei requiescant in pace. *R.* Amen.

A D S E X T A M.

Pater noster. Ave María.

Post ψ. Deus in adjutorium.

*Glória Patri. & Hymn. R*ector potens verax Deus. *ut supra* 102.

Antiphona. Qui mihi ministrat.

*Psalmi. D*efecit. *Q*uomodo dilexi.

Iniquos odio habui. ut ibidem. 103.

Añã. Qui mihi ministrat, me sequatur: & ubi ego sum, illic sit & minister meus.

Capitulum.

Eccli. 15.

Cibavit illum pane vitæ & intellectus, & aqua sapientiæ salutaris potavit illum Dominus Deus noster.

R. br.

R. br. Posuisti Dómine, * Super caput ejus. Posuisti Dómine super caput ejus. **V.** Corónam de lápide pretiósio. Super caput ejus. **G** lória Patri, & Fílio, & Spiritui sancto. Posuisti Dómine super caput ejus. **V.** Magna est glória ejus in salutári tuo. **R.** Glóriam & magnum decõrem impónes super eum. **V.** Dóminus vobiscum. **Oratio.** Deus pro cuius Ecclésia. *sup. ad Tertiam* 306.

AD NONAM.

P.ater noster. **A** ve Mariã.

Post V. Deus in adiutorium. **G** lória Patri. & **Hymn.** **R**erum Deus tenax vigor. *ut suprã f. 109.* **Añã.** Volo Pater. **Psalmi** Mirabilia testimónia tua. **O** lamávi in toto corde meo. **P**rincipes. **Añã.** Volo Pater, ut ubi ego sum, illic sit & minister meus.

Capitulum. *Eccli. 39.*

Justus cor suum tradidit ad vigilandum dilúculo ad Dóminum, qui fecit illum, & in
cons-

conspectu Altíssimi deprecábitur. **R. br.** Magna est glória ejus, * In salutári tuo. Magna est glória ejus in salutári tuo. **V.** Glóriam & magnum decõrem impónes super eum. In salutári tuo. **G** lória Patri, & Fílio, & Spiritui sancto. Magna est glória ejus in salutári tuo. **V.** Justus ut palma florèbit. **R.** Sicut cedrus Líbani multiplicábitur. **V.** Dóminus vobiscum. **Oratio.** Deus, pro cuius Ecclésia. *suprà ad Tertiam.* 306.

Si festum S. Thomæ Cantuariensis venerit in Dominica, transfertur juxta Breve Gregorii XIII. ad Vigiliam Epiphaniæ.

Si Dominica, aut dies in qua ad formam Breviarii fit de ea, venerit ista die, fiet comm. Dominicæ in j. Vesp. & ad Laudes ante comm. Octavarum. In ij. autem Vesperis, post comm. S. Sylvestri fit comm. Dominicæ, & Octavarum.

Quan-

Quando vero fit de Dominica
in die præcedenti, vel in sequenti,
fiet comm. Dominicæ in j. vel in
secundis Vesperis respectivè ante
commemoratur. Octavarum.

IN FESTO

TRANSLATIONIS S. JACOBI APOST.

Et Hispaniarum Patroni.

Duplex majus.

In utrisque Vesperis, Antipho-
na. Tecum principium. cum reli-
quis Antiphonis & Psalmis ex se-
cundis Vesperis Nativitatis Domi-
ni. fol. 148.

Capitulum. 1. Cor. 4. b

FRatres, Puto quòd, Deus nos
Apóstolos novísimos ostén-
dit, tamquam morti destinátos:
quia spectáculum facti sumus mun-
do, & Angelis, & homínibus.
R. Deo grátias.

Hymnus.

DEfensor alme Hispániæ
Jacòbe, vindex hóstium,
Tonítrui quem filium

Dei

Dei vocávit Fílius.

Huc cœli ab altis sédibus
Convérte dexter lúmina,
Audíque læti débitas
Grates tibi quas sólvimus.

Grates refert Hispánia,
Felix tuo quæ nómine
Te gloriátur júgiter
Dignáta sacris óssibus.

Tu, cæca nox atque ímpia
Nos cùm tenêret vánitas,
Lucem salútis prímítás
Oris Ibéris ímpetras.

Tu bella cùm nos cíngerent,
Es visus ipso in prælio,
Equòque & ense acérrimus
Mauros furéntes stérnere.

Freti tuo nos pígnore,
Largum tuo te múnere
Rogámus omnes, ut tuæ
Spe prótegas præsentíæ.

Jesu, tibi sit glória,
Qui natus es de Vírgine,
Cum Patre, & almo Spírítu,
In sempitérna sécula. Amen.

v. In